

NAQQIUT

Akissuteqaat 9. maj 2023-meersoq taarserpaa

(Makku naqqiutigineqarput: "Periusissiami" taarserpaa
"Innersuussutini" aamma " Periusissiaq" taarserpaa "Innersuussutit")

Innuttaasut, suliaqartut/immikkut ilisimasallit, namminersorlutik inuussutissarsiortut, kommunit Inatsisartunilu partiit imigassamik akiuniarnermi ataatsimut periusissialiornermi akuliunneqarlutik, ukiunut arlalinnut atuuttussamik ilisimatuussutsikkut uppernarsakkanik toqqammaveqartumik imigassamut politikissamut toqqammavissamut suliakkiummik Naalakkersuisut peqquneqarnissaannik Inatsisartut aalajangiiffigisassaattut siunnersuut. Periusissiaq atuutilersitsinermi aningaasatigut allaffissornermilu kinguneqaatissanut naatsorsukkanik imaqassaaq, UPA2025-milu agguanneqassalluni.
(Inatsisartunut ilaasortaq Agathe Fontain, Inuit Ataqtigiit)

Akissuteqaat

(Meeqqanut, Inuusuttunut, Ilaqtariinnut Peqqissutsimullu Naalakkersuisoq)

Siullermeerneqarnera

Aallaqqaasiutigalugu Inatsisartunut ilaasortaq Agathe Fontain, Inuit Ataqtigiit, aalajangiiffigisassatut siunnersuutaanut Naalakkersuisut sinnerlugit qujassuteqarfigissavara.

Imigassaq pillugu politikki ukiuni kingullerni arfinilinni - arfineq marlunni arlaleriarluni siullertut WHO'p innersuussutai malillugit sukaterisoqarnikuuvoq tamatumalu kingorna politikikkut qasukkaaqqinnikkut allannguuteqarnikuuvoq.

Aangajaarniutininik ajornartorsiortut inuupput artornartorsioreersut. Nalunaarusiaq nutaaq Statens Institut for Folkesundhed-imeersoq uparuaavoq ulorianartumik imigassamik atonerluisuugaanni inooqataanikkut assigiinnginnermi annertuumik atassuteqartoqartoq. Aangajaarniutinut katsorsartittut allanut sanilliullugit ilinniagakinnerullutillu suliffeqanngikkajuttut Allorfimmiit ilisimaneqarpoq.

Aangajaarniutininik ajornartorsiutillit meeraat annerpaamik eqqugaasarput. Tamatigut ilaqtariinni aangajaarniutininik atonerluffiusuni tarnikkut ikilerneqartarput. 2022-mi katsorsartittut 68 %-ii imigassamik ajornartorsiorfiusumi peroriartortuussut, taakkualu affangajai 18-niineqanngitsunik najugaqateqartuussut Allorfiup ilisimatitsissutigaa. Isumaginninnermi suliaasaqarfik – meeqqat inuusuttullu sammillugit

Siunnersuusiortumit tikkuarneqartutut innuttaasut tamarmik inuiaqatigiinnut pitsaasumik tapertaasinnaapput. Tamatumani imigassaq pillugu politikki inooriaatsimik ajortumik kingornussisarnerup kipitinneqarnissaa aamma meeqqat inuusuttullu ukkatarineqarnissaanik piumasaaqatitaqarpoq.

Taamaattumik Naalackersuisut ukiuni arlalinni ilisimatuussutsikkut uppersarsakkanik toqqammaveqartumik imigassamut politikki taassumunngalu attuumassuteqartut suleqatigineratigut tikilluaqqaat. Ass. inuussutissarsiortunut allannguutunik atuutsitsillualernissaaq piffissaatillugu piareersarluarsimanissaaq anguniarlugu Naalackersuisut kissaatigaat imigassaq pillugu politikki ukiuni qulini sivilissusilimmik atuutissasoq.

Suliamut tassunga tunngatillugu Imigassaq Ikiaroorartullu pillugit Siunnersuisoqatigiit suleqataaffigisinnaassagaat Naalackersuisut isumaqarput. Allannguutissatullu siunnersuutit ukuupput:

Ukiunut arlalinnut atuuttussamik, ilisimatuussutsikkut uppersarsakkanik toqqammaveqartumik, imigassamut politikissamut toqqammavissamut suliaakkiummik Naalackersuisut peqquneqarnissaanik Inatsisartut aalajangiiffigisassaattut siunnersuut. Innuttaasut, suliaqartut, namminersorlutik inuussutissarsiortut, kommunit Inatsisartunilu partiit imigassaq Ikiaroorartullu pillugit Siunnersuisoqatigiillu imigassamik akiuniarnermi ataatsimut innersuusiussapput. Innersuussutini meeqqat ilaqutariinni aanngajaarniutunik atonerluisoqarfiusuni peroriartunnginnissaannik aamma qanoq ililluta inooriaatsimik ajortumik kingornussisarnerup kipitinneqarnissaanik suliniutunik immikkut ukkataqartoqarnissaanik qulakkeerinnissaaq: Innersuussutit atuutilersitsinermi aningaasatigut allaffissornermilu kinguneqaatissanut naatsorsukkanik imaqassaaq, UPA2025-milu agguanneqassalluni.